


律異相

才三

四百卑
靈三

51029



經律異相卷第三

梁沙門

寶昌等撰



靈

地部

閻浮提一

鬱單曰二

閻浮提一

國封所產一

精舍二

山三

樹四

河海五

寶珠六



人飲乳多少及形壽同異七

閻浮提內方國近遠及所出有一

閻浮提內有十六大國八萬四千城八國王

四天子東有晉國天子人民熾盛南有天竺

國天子土地多名象西有大秦國天子土地

饒金壁玉北有月支國天子土地多好馬八萬

四千城中六千四百種人萬種音響音五十六

萬億丘聚魚有六千四百種鳥有四千五百

種獸有二千四百種樹有萬種草有八千種

雜藥有七百四十種雜香有四十三種寶百

二十一種正寶七種

海中有二千五百國百八十國食五穀二千

三百二十國食魚鼈龜五國王一王主五百城第一王名斯梨國土盡事佛不事衆邪第二王名迦羅土地出七寶第三王名不羅土地出四十三種香及白琉璃第四王名瞿耶土地出華芟胡椒第五王名那頗土地出白珠及七色琉璃五大國城多黑短小相去六十五萬里從是但有海水無有人民去鐵圍山百四十萬里中阿崛摩煞人處在舍衛國東八十萬里佛所化處亦一處拘夷那竭國在迦維羅國之東南一千里王舍國在迦維羅衛國之東南二千二百里佛得道處在王舍城東南二百里

維耶離國在迦維衛國之東一千八百里
女園在維耶離城南三里道西

拘睒彌國在迦維羅衛國之西南千二百里
葉波國在迦維羅衛國之東千二百八十里
難國在迦維羅衛國之東三千二百里
舍衛國在迦維羅衛國之西五百里

波羅捺國在迦維羅衛國之西九百六十里
佛轉法輪處在波羅捺國之北二十里樹名
香淨降伏魔處也

波羅捺私國在舍衛國之南千四百里中間
有恒水東南流

耆闍崛山有五岳佛說經在中岳王舍國在

中岳之下

出十二遊經

問曰如舍婆提迦毗羅婆波羅捺城皆有諸王王舍何故獨名此城為王舍答曰有人言是摩伽陁王有子一頭兩面四臂時人以為不祥王裂其身首棄之曠野羅刹女鬼名梨羅還合其身而乳養之後大成人力併諸國取萬八千王置五山中以大力勢治閻浮提因名此山為王舍城復次有人言摩伽陁王先所住城中失火一燒一作如是至七國人疲役王集諸智人問其意故有言宜應易處王見此五山周匝如城即作宮殿於中止住故名王舍城復次往古世時此國有王名婆

數狀世出家學作仙人時居家婆羅門與諸
出家仙人共論議居家婆羅門言天祀中應
煞生敢肉出家仙人言不應共諍云云諸出
家婆羅門言此有大王出家作仙人汝等信
不居家婆羅門言信出家仙人言我以此人
為證後日當問居家婆羅門先到婆藪所語
婆藪仙人明日論議汝當助我諸出家仙人
問天祀中應煞生敢肉不婆藪仙人言應煞
生敢肉此生在天祀中死故得生天上出家
仙人言汝大不是汝大妄語即唾之言罪人
滅去時婆藪仙人尋陷入地沒蹤是初開大
罪門諸出家仙人言汝應實語若故妄語者

汝身當陷入地中婆藪言我知爲天故煞羊
斃肉無罪即陷至膝如是稍沒至鬢至頸出
家仙人言汝今妄語得現世報更以實語雖
入地下我能出汝今得免罪婆藪思惟我貴
重人不應兩種語又四違陞法中讚祀天法
我一人死當何足計一心言應天祀中煞生
斃肉無罪於是舉身沒地從是以來常用婆
藪仙人法於天祀中煞羊當下刀時言婆藪
煞汝婆藪之子名曰廣車嗣位爲王亦厭世
法而不能出家如是思惟我父出家生入地
中若治天下復作大罪我今當何以自處時
空中聲言汝若行見難值希有處應是中作

舍住未經幾時王出田獵見有一鹿走疾如
風王便逐之百官侍從無能及者前見五山
周匝峻固其地莊嚴有天華香聞天伎樂是
處希有未曾所見今我正當此中舍住即捨
本城住此山中從是已後次第止住故名王

舍城

出大智論
第三卷

精舍二

迦蘭陀所造竹園緣一

須達所造給孤獨園緣二

迦蘭陀長者施佛精舍事一

有豪貴長者名迦蘭陀追惜我園施與尼犍
不得奉佛及僧卧不安蓆有大鬼將軍名曰

半師承佛神旨即召闕义推逐尼犍裸形無
耻不應止此鬼師奉勅撾打尼犍拖拽器物
尼犍怖走曰此何惡人暴害乃尔鬼師荅言長
者迦蘭陁當持竹園作佛精舍大鬼將軍半
師見使逐汝輩耳明日尼犍共責數長者長
者心悅吾願遂矣荅尼犍曰此諸鬼神強暴
含瞋懼必作害不如委去更求所安尼犍忿
恨即日恚去長者修立精舍僧房坐具衆嚴
都畢行詣樹下請佛及僧衆祐受施止頓化
濟靡不欣樂

出中本
起上卷

須達多買園以立精舍二

須達多白佛言舍衛城中人多信邪如來大

慈唯願顧臨到舍衛城佛言彼無精舍云何
得去須達言弟子營起願見聽許世尊默然
願遣舍利弗指授模則即命共往案行周遍
無可意處唯太子祇陁園其地平正林樹鬱
茂遠近得中須達以白太子太子笑言欲用
遊戲慇懃再三太子言若能以黃金布地今
間無空者便當相與須達曰諾謹隨其價太
子祇言我戲語耳須達言太子不應妄語即
共興訟時首陁會天化作一人下爲評詳言
夫太子法不應妄語價旣已決不宜中悔遂
斷與之便使人象負金出八十頃中須臾欲
滿殘餘少地

雜阿含經
云五百步

須達思惟何歲金足

祇陀問言：「嫌貴置之。」答曰：「不也。祇陀念言：佛

必大德，乃使斯人輕寶，乃介教。即語須達：「園

地屬卿，樹林屬我。我自上佛經云我自為佛

遊出入便就施功。六師聞之，往白國王長者

須達：「買祇陀園，欲為瞿曇。興立精舍，聽我徒眾

與其較術。沙門得勝，便聽起立。若其不如，不

得起也。」王召須達而問之，言：「今此六師云：卿

買園欲為瞿曇，起立精舍，求共沙門弟子較

其伎術。若得勝者，聽立精舍。苟其不如，便不

得起。須達歸家，著垢膩衣，愁惱不樂。時舍利

弗明日時到，著衣持鉢，至須達家，即問之曰：

「何故不樂？」須達具答。此六師輩出家來久，精

誠素有所學伎術無能及者我今不知尊人
伎藝能與較不舍利弗言正使此輩六師之
衆滿閻浮提數如竹林不能動吾足上一毛
欲較何等自恣聽之須達歡喜更著新衣沐
浴香水等即往白王我以問之恣聽其意王
告六師今聽汝等共沙門較術六師宣告國
人却後七日當於城外與沙門較術舍衛國
中十八億人時彼國法擊鼓會衆若擊銅鼓
八億人集若打銀鼓十四億人集若震金鼓
一切皆集七日期滿至平博處椎擊金鼓一
切都集六師徒衆有三億人是時人民悉爲
國王及其六師敷施高座介時須達爲舍利

弗而施高座時舍利弗在一樹下入諸禪定
而作是念此會大眾習邪來久憍慢自高草
芥羣生當以何德而降伏之思惟是已即立
誓言若我無數劫中慈孝父母敬尚沙門婆
羅門者我初入會一切大眾爲我作禮六師
見衆已集而舍利弗獨未來到便白王言瞿
曇弟子自知無術衆會旣集怖畏不來王告
須達較時已到佛弟子宜來談論時須達至
舍利弗所長跪白言大德大眾已集願來詣
會時舍利弗從禪定起更正衣服以尼師壇
著左肩上徐詳而步如師子王往詣大眾是
時衆人及諸六師忽然起立如風靡草不覺

作禮時舍利弗便昇須達所敷之座六師衆中有一弟子名勞度老善知幻術於大衆前呪作一樹自然長廣蔭覆衆會枝葉鬱茂華果各異衆人咸言此變乃是勞度老所作時舍利弗便以神力作旋嵐風吹拔樹根倒著於地碎爲微塵衆人皆言舍利弗勝復呪作一池其池四邊面皆以七寶池水之中生種種華舍利弗又化作一大六牙白象其一一牙上有七蓮華一一華上有七玉女其象徐詳往詣池邊并含其水池即時滅復作一山七寶莊嚴衆池樹木華果茂盛舍利弗又化作金剛力士以金剛杵遙用指之山即破壞

無有遺餘復作一龍身有十頭於虛空中雨
種種寶雷電震地驚動大衆舍利弗又化作
一金翅鳥王擘裂斃之復作一牛身體高大
肥壯多力鹿脚利角跑地大吼奔突來前舍
利弗又化作師子分裂食之復變其身作夜
叉鬼形體長大頭上火然目赤如血四牙長
利口目出火騰躍奔趣時舍利弗自化身作
毗沙門王夜叉恐怖即欲退走四面火起無
有去處唯舍利弗邊涼冷無火即時屈伏五
體投地求哀脫命辱心已生火即還滅衆咸
唱言舍利弗勝勞度老不如時舍利弗身昇
虛空現四威儀作十八變作是變已還攝神

足坐其本座時會大眾見其神力咸懷歡喜
時舍利弗即爲說法隨其福行各得道迹六
師徒衆三億弟子於舍利弗所出家學道長
者須達共舍利弗往啻精舍手捉繩頭時舍
利弗欣然含笑須達問言尊人何笑荅曰汝
始於此經營地而六欲天中宮殿已成即借
道眼須達悉見問舍利弗是六欲天何處最
樂舍利弗言第四天中少欲知足恒有一生
補處菩薩來生其中法訓不絕須達言曰我
正當生第四天中出言已竟餘宮悉滅復更
捉繩時舍利弗慘然憂色即問尊者何故憂
色荅言汝今見此地中蟻子不耶汝於過去

毗婆尸佛亦於此地爲彼世尊起立精舍而
此蟻子猶在此中生乃至迦葉佛時亦復如
是九十一劫受一種身起立精舍爲佛作窟
以妙栴檀用爲香泥別房住止千二百處凡
百二十處別打鍵椎竟即白王唯願大王遣
使請佛王即遣使詣王舍城請佛及僧唯願
世尊臨覆舍衛佛與四衆前後圍遶放大光
明震動天地至舍衛國所經客舍悉於中止
道次度人無有限量漸漸來近舍衛城邊一
切大集持諸供具迎待世尊世尊到國放大
光明遍照三千大千世界足指案地地皆震
動城中伎樂不鼓自鳴盲視聾耳聽啞語僂伸

癡殘拘躄皆得具足一切人民男女大小觀
斯瑞應歡喜踊躍來至佛所十八億人都悉
集聚尔時世尊隨病授藥為說妙法各得道

迹

出賢愚經第十卷雜阿含
涅槃中本起諸律多同

山三

崑崙寶山為五百羅漢所栖一

十大山王二

地動八種緣三

崑崙寶山為五百羅漢所居一

崑崙山者則閻浮提地之中心也山皆寶石
周匝有五百窟窟皆黃金常有五百羅漢居
之阿耨大池周圍山外山內平地河處其中

河岸有四金獸頭口流出水各繞一匝還其
四方投入四海象口所出者則黃河是也其
泉方各二十五由延深二十一里泉中有金
豪臺方一由延臺上有金蓮華以七寶為莖
如來將五百羅漢常以月十五日於中說戒

出興起行
經上卷

閻浮提十大山王二

大地有十大山王一雪山王二香山王三軻

梨羅山王四仙聖山王五由軻陁山王六馬

耳山王七尼民陁羅山王八斫迦羅山王九

宿慧山王十須彌山王

出華嚴經第
二十二卷

地大動有八種緣三

佛在舍衛城告諸比丘有八因緣而地大動
此地深六十萬八千由延爲水所持水依虛
空或復是時虛空風動而水亦動水動地便
大動是初動也若比丘得神足所欲自在觀
地如掌能使地大動是二動也若復諸天有
大神足有大威力能使地動是三動也若復
喜薩在兜術天欲降神下生是時地動是四
動也若喜薩自知在母胎地爲大動是五動
也若喜薩知滿十月當出母胎地爲大動是
六動也若喜薩出家於道場坐降伏魔怨終
成等覺地爲大動是七動也若如來於無餘
涅槃界而般涅槃是八動也

出增一阿舍
第二十三卷

樹四

千光明國樹出法音一

神藥樹二

大藥樹三

五面益物大樹四

象藏香五

牛頭栴檀六

須彌南樹七

毒樹八

千光明國樹出法音一

過去有佛号師子吼鼓音王國名千光明七

寶成樹樹出空無相無作無生無所有無取

相如是諸法之音

出諸法
無行經

神藥樹二

有神藥樹名曰摩羅陀祇主馱天下萬毒不
得妄行有大神虵身長百二十丈虵行索食
有黑頭虫身長五丈虫行道中與虵相逢適
欲舉頭前斷大虫虵聞藥香屈頭欲走虵身
羅藥樹身即中斷分作兩段頭半生得走尾
便臭爛諸毒聞此虵臭諸惡毒氣皆消滅

出善

信經
卷下

大藥樹三

雪山頂有藥王樹名非從根生非不從根縱
廣六百八十萬由旬下極金剛際此樹生根

時閻浮提樹一切根生若生莖時及枝葉華
果時閻浮提樹一切悉生枝葉華果其樹根
能生莖莖能生根是故名曰不從根生非不
從根於一切處悉能生長唯除地獄深坑及
水輪中不得生長耳

出華嚴經
第三十卷

五面益物大樹四

昔者有王王名物獵國中有樹名著波提洹
五百六十里圍下根周匝八百四十里高四
千里枝四布匝二千里樹有五果道有五面
一面者國王與宮諸伎女共食其果二面者
大臣百官皆共食之三面者人民共食之四
面者諸沙門道士共食之五面者飛鳥虫獸

共食之樹果皆如二斗瓶其味甜如蜜樹無
守者果分初不相侵時人皆壽八萬四千歲
時人有九種病一者寒二者熱三者飢四者
渴五者大便六者小便七者愛欲八者食多
九者年老女人年五百歲乃行嫁
出雜阿含經
大象藏香五

人中有香名大象藏因龍鬪生若燒一丸興
大光明細雲覆上味如甘露七日七夜降香
水雨若著身者身則金色若著衣服宮殿樓
閣亦悉金色若有衆生得聞此香七日七夜
歡喜悅樂滅一切病無有狂橫遠離恐怖危
害之心專向大慈普念衆生我知彼已而爲

說法令無量衆生得不退轉

出華嚴經第四十二卷

牛頭栴檀香六

牛頭栴檀香從離垢山生若以塗身火不能

燒

出華嚴經第四十二卷

須彌南樹七

須彌山南有一大樹高四千里諸鉢叉鳥恒

栖其上樹常不動有一小鳥形類鶉鷄住止

其上樹輒震撫鉢叉問樹神言汝無知我身

重大而自不動小鳥來時反更震搖神言此

鳥雖小從海底食一金剛金剛爲物所墮之

處無不破散所以大怖不能自安耳

出十卷譬喻經

第十卷

毒樹八

舍衛國有官園生一毒樹男女遊觀停息其
下或頭痛欲裂或要脊疼或於樹下終守園
人施長柯斧長一丈有餘遙斫去之未經旬
日生已如故如是多過枝葉隨復如舊團圓
樹中之妙衆人見者無不歡喜不知忌諱皆
來遭此園人宗親貪樂樹蔭盡取命終園人
隻立晝夜愁憂號悲行走有問智人語之當
盡其根適欲掘根復恐定死進更思惟出家

學道佛言

伐樹不盡根

雖伐猶復生

伐愛下盡本

數數復生苦

心寤剋責即得初果
樹出斫毒
河海五

四大河一

五大河二

大海八德三

四大河一

復有四大河從阿耨大池出流趣大海一名
恒伽二名辛頭三名葡萄又名司陁彼恒伽
從金象口出遶池一匝流趣東海彼辛頭從
銀牛口出遶池一匝流趣南海彼葡萄又從珠
璃馬口出遶池一匝流趣西海彼司陁者從
頗梨師子口出遶池一匝流趣北海彼四大

河各有四河以爲眷屬唯說廣大有名字者
然彼四河各有五百眷屬合有二千河終趣

大海

出毗婆沙
第二卷

五大河二

西流者名恒南流者名耶云東流者有兩一
名沙陸一名阿夷趣北流者名墨皆流澍于

海立天地來雨落河澍水無增減去其舊名

合爲一海水也

出海八
德經

大海有八德三

佛遊無勝國常以十五日爲諸沙門說戒坐
定佛默然無言阿難曰坐定卅尊乃曰諸沙
門中有心邪行違者非其下賤所能執行清

濁相違吾不說也目連入定觀見即謂之曰
起非尔俗人所應坐處不肯時起牽臂使出
曰尔無至德心懷六邪何敢以鼻溷之體坐
天香之座尔時棄人非沙門矣佛告沙門觀
彼巨海有八種德其廣即汪洋無涯其深則
有不測之底稍入稍深無前所礙斯一德也
潮不過期斯二德也海含衆寶靡所不苞死
屍臭朽海不容焉斯三德也海懷衆珍無求
不得斯四德也普天之下有五大河流入于
海皆去舊名合爲一海斯五德也五河萬流
雨落恒澍海中水如故曾無增減斯六德也
海有衆魚因驅巍巍第一魚身長四千里第

二魚身長八千里第三魚身長萬二千里第
四魚身長萬六千里第五魚身長二萬里第
六魚身長二萬四千里第七魚身長二萬八
千里斯七德也海水通鹹邊中如一斯八德

也出海八德經

寶珠六

明月摩尼珠一

大海生寶珠二

光明大寶珠三

明月摩尼珠一

明月摩尼珠多在龍腦中若衆生有福德者
自然得之猶如地獄自生治罪之器此寶亦

名如意珠常出一切寶物衣服飲食隨意所欲得此珠者毒不能害火不能燒或云是帝釋所執金剛與阿脩羅鬪時碎落鬪浮提又言諸過去久遠佛舍利法既滅盡變成此珠以為利益

出大智論第五十九卷第

生寶珠二

大海中有四寶珠一切衆寶皆從生之若無四珠一切寶物漸就滅盡諸小龍神不能得見唯娑伽羅龍王密置深寶藏中此深寶藏有四種名一名衆寶積聚二名無盡寶藏三名遠熾然四名一切莊嚴聚

出華嚴經第三十卷

光明大寶三

大海之中有四然熾光明大寶一名日藏光
明大寶二名離涸光明大寶三名火珠光明
大寶四名究竟無餘光明大寶若大海中無
此四寶四域天下金剛圍山乃至非想非非
想處皆悉漂沒日藏光明能變海水為酪離
涸光明能變海酪為蘇火珠光明能然海蘇
究竟無餘光明大寶能然海蘇永盡無餘

出華

嚴經第
三十卷

人飲乳多少及形壽不同七

閻浮提見生墮地乃至三歲母之懷抱為飲
幾乳弥勒答曰飲乳一百八十斛除母腹中
所食四分東弗于逮見生墮地乃至三歲飲

乳一千八百斛西拘耶尼兒生墮地乃至三
歲飲乳八百八十斛北鬱單曰兒生墮地坐
陌頭行人授指味吮七日便成人彼土無乳
中陰衆生飲吸於風閻浮提衆生壽命百歲
東弗于逮衆生壽命二百五十歲西拘耶尼衆
生壽命五百歲北鬱單曰人壽命千歲中陰

佛經 卷之三

衆生壽命七日閻浮提衆生人面上廣下狹
東弗于逮人面正圓拘耶尼人面上狹下廣
鬱單曰人面形正方中陰衆生面狀如他化
自在天也出衆生未
然三界經

鬱單曰二
此北鬱單曰天下周匝廣長各四十萬里有

種種山其河兩邊有種種樹及種種華水中
有船以四寶作之浴池名難陀其水涼暖底
沙皆金周匝有陛四寶作之金陛銀陛
金陛琉璃陛水精陛琉璃陛有種種
蓮華華若斷者汁出如乳味甘如蜜光照四
十里其香亦聞四十里池東有河名已味池
南有河名修竭池西有河名大土池北有河
名善種是諸河水皆有華樹以四寶成池東
有園名賢上欄楯行樹亦四寶成園中香樹
出種種香有衣被樹有瓔珞樹出種種衣被
瓔珞有音樂樹出種種音樂樹高七里有高
六里五里四里三里二里池南有園觀名與

賢池西有園觀名羅越池北有園觀名常有
華諸樹所出及其高卑亦如東園北方天下
樹曲交路天人在上男女異處有淨潔粳米
不種自生出一切味若欲行姪意起相視無
所言說男子便前行女人隨後至園觀中共
相娛樂或二三日或至七日隨意罷去不相
屬也女人懷妊七八日便生持著四徼道中
若有人從四面來者與指味出乳飲之過七
日已自以福德即自長大如閻浮人年二十
若二十五也周匝四方有水名阿耨池後夜
雲起雨八味水如人飲食地若油塗塵土不
起草樹常有華實皆香如香熟時有亂風吹

掃上賢圓觀伊蘭風至吹落華至人膝此夫
下人皆入園中遊戲相娛無所係屬人欲食
時取淨潔粳米以焰味珠光爨其下飯熟則
四方至隨皆食之食亦不盡

有樹名象兜交曲上合如交路人民在上止
宿男女異處人齒髮紺青長八寸人面色同

長短等皆壽千歲死生欲界諸天天壽終去
閻浮提大豪貴家大小便利地裂受之受已
還合

死時好衣服莊嚴之不啼哭置四徼道中鬱
遮鳥舉置北方天下外

經律異相卷第三

靈

擗裂上補 鼈龜上并 馱反 拘睽下式 婆藪此

吏天祝祭也音似 陷咸字 踝胡瓦 匏地上步 峻

固下雖 摸則上胡 較上音 術上音 推擊上直 靡草

上緬 疼徒冬 柯斧上音 忌諱下許 慄然上

七反 捷推上音 僂呂主 狹侯夾 癘殘上六

批癖下必 軻何苦 甜徒 漆鴉 鸚上音 筍

北上 流澍下音 陞蒲米 狹以 夾四 徼下音 吓音

反籊 筭紺 古暗 嗽音 朔反

